

თელავის მუნიციპალიტეტის საკრებულოს

საფინანსო-საბიუჯეტო კომისიის სხდომის

ოქმი N 6

ქ. თელავი

12.11.2021 წელი

თავმჯდომარეობდა: დავით გოგოშვილი

ესწრებოდნენ კომისიის წევრები: ტიტე დარეჯანიშვილი; ლევან მრელაშვილი; ნანა ხვისტანი; ზურაბ ლილუაშვილი;

სხდომას აგრეთვე ესწრებოდნენ: საკრებულოს თავმჯდომარის მოადგილე - ალექსანდრე შათირიშვილი. დეპუტატი: გიორგი ჩაბრაშვილი. საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს სამანდატო, საპროცედურო და იურიდიულ საქმეთა კომისიაში მოწვეული სპეციალისტი - მედეა ჩაფურიშვილი; საორგანიზაციო განყოფილების უმცროსი სპეციალისტი - ნინო ასანაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი

დღის წესრიგი:

- თელავის მუნიციპალიტეტის საკრებულოს 2020 წლის 28 დეკემბრის N35 დადგენილებაში „თელავის მუნიციპალიტეტის 2021 წლის პროგრამული ბიუჯეტის დამტკიცების შესახებ“ ცვლილების შეტანის თაობაზე პროექტის განხილვის შესახებ.  
მომხსენებელი - დ. გოგოშვილი

მოისმინეს: 1. თელავის მუნიციპალიტეტის საკრებულოს 2020 წლის 28 დეკემბრის N35 დადგენილებაში „თელავის მუნიციპალიტეტის 2021 წლის პროგრამული ბიუჯეტის დამტკიცების შესახებ“ ცვლილების შეტანის თაობაზე პროექტის განხილვის შესახებ.

აზრი გამოთქვეს: დ. გოგოშვილმა ზოგადად ისაუბრა წარმოდგენილ ცვლილებასთან დაკავშირებით და განმარტებები მოსთხოვა თელავის მუნიციპალიტეტის მერიის საფინანსო-საბიუჯეტო სამსახურის უფროსს- ნ. ვაყელიშვილს.

მან აღნიშნა, რომ თელავის მუნიციპალიტეტის მერიის ინიცირებული პროექტი ეხება თელავის მუნიციპალიტეტის 2021 წლის ბიუჯეტში ცვლილებების შეტანას, რომელიც მდგომარეობს თელავის დასავლეთ შემოსასვლელში არსებული კემპინგის ეზოს შემოღობვის და კეთილმოწყობის სამუშაოებს. ასევე სოფელ ართანაში სასმელი წყლის ჭაბურღილის მოწყობის სამუშაოების და საზედამხედველო მომსახურებისთვის თანხების მობილიზებაში.

თელავის მუნიციპალიტეტის ბიუჯეტი განისაზღვროს 43878,12 ათ. ლარის ოდენობით. აქედან გამომდინარე მოხდეს ცვლილება ბიუჯეტის გადასახდელებში:

შემცირდეს მუნიციპალიტეტის მერიის (კოდი 01 01 02) საქონელი და მომსახურების მუხლი 10,51 ათ. ლარით გამოთავისუფლებული თანხები საფუძველზე;

შემცირდეს გზების კაპიტალური შეკეთების (კოდი 02 01 01) არაფინანსური აქტივების ზრდის მუხლი 81,8 ათ. ლარით, ქვეპროგრამით განხორციელებული ღონისძიებებიდან გამოთავისუფლებული თანხების და ეკონომიების საფუძველზე;

შემცირდეს საგზაო ნიშნები და უსაფრთხოების (კოდი 02 01 03) არაფინანსური აქტივების ზრდის მუხლი 50,0 ათ. ლარით, ქვეპროგრამაში არსებული ღონისძიებებიდან თანხის გამოთავისუფლების საფუძველზე.

შემცირდეს სასმელი წყლის სისტემის ექსპლუატაციის (კოდი 02 02 02) საქონელი და მომსახურების 31,99 ათ. ლარით გამოთავისუფლებული თანხების საფუძველზე.

შემცირდეს ჩამდინარე წყლების სისტემის მოწყობა-რეაბილიტაციისა და ექსპლუატაციის ღონისძიებების (კოდი 02 02 03) არაფინანსური აქტივების ზრდის მუხლი 15,0 ათ. ლარით ქვეპროგრამით განხორციელებული ღონისძიებებიდან ეკონომიების საფუძველზე;

შემცირდეს ბინათმშენებლობის ღონისძიებების (კოდი 02 05) სხვა ხარჯების მუხლი 107,7 ათ. ლარით, ქვეპროგრამით განხორციელებული ღონისძიებებიდან გამოთავისუფლებული თანხების და ეკონომიების საფუძველზე.

შემცირდეს სკოლამდელი განათლების დაწესებულებების რეაბილიტაცია, მშენებლობის (კოდი 04 02) არაფინანსური აქტივების ზრდის მუხლი 9,6 ათ. ლარით, ქვეპროგრამით განხორციელებული ღონისძიებებიდან წარმოქმნილი ეკონომიების საფუძველზე.

გამოთავისუფლებული თანხების გათვალისწინებით გაიზარდოს სასმელი წყლის სისტემის რეაბილიტაციის (კოდი 02 02 01) არაფინანსური აქტივების ზრდის მუხლი 257,1 ათ. ლარით, თელავის მუნიციპალიტეტის სოფელ ართანაში სასმელი წყლის ჭაბულილის მოწყობის სამუშაოების და საზედამხედველო მომსახურების განხორციელების მიზნით. გაიზარდოს ტურიზმის განვითარების ხელშეწყობის (კოდი 02 10) არაფინანსური აქტივების ზრდის მუხლი 49,5 ათ. ლარით, თელავის დასავლეთ შემოსასვლელში არსებული კემპინგის ეზოს შემოღობვის და კეთილმოწყობის სამუშაოების განხორციელების მიზნით.

კომისიის წევრებმა მხარი დაუჭირეს წარმოდგენილ ცვლილებას.

**გადაწყვიტეს:** ბიუჯეტის ცვლილების პროექტი წარედგინოს საკრებულოს ბიუროს საკრებულოს მორიგი სხდომის დღის წესრიგში შეტანის მიზნით.

საფინანსო-საბიუჯეტო  
კომისიის თავმჯდომარე

დ. გოგოშვილი